



Senin, 03 Oktober 2022
Ogen: Daniel 2:46-49



Langkat Jadi Peminpin



“Usaha tidak akan mengkhianati hasil,” sada selogan si rusur ituriken guna nambahi semangat bas ndahiken sada dahin.

Teptep usaha silakoken arus lit i je kinitutusen. Banci jadi melala tantangan si man alanken tapi tetap tutus seh maka i bas sada paksa mereken ulih simehuli. Daniel kalak si setia man Dibata, teridah arah ketetapan ukurna i bas ncidahken biak geluhna si nembah man Dibata saja. Aminna pe ia tading i tengah-tengah bangsa si labo tek man Dibata, dengen iajuk guna ngikuti kiniteken jelma si enterem, la ia tergoda. Tetap igelamna kinitekenna dengen kepatuhenna man Dibata. Pang ngeluh beda ras kalak si sekelewetna. Enda me Daniel.

Sada paksa raja ernipi, janah erbahanca gulut ukurna. La lit sada pe si beluh nuriken antusen nipi e. I lebe-lebe raja, Daniel pang nuriken maka labo lit si ngasup nuriken kerna antusen nipi e selain Dibata si mada kuasa. Daniel rusaha mpetangkas kuasa Dibata man bangsa si la nandai Dibata. Iturikenna antusen nipi e erpalasken kuasa Dibata sipetangkassa man Daniel. Megi si e kerina, raja pe nembah mungbuk i lebe-lebe Daniel janah ngakui kerna kuasa Dibata si isembah Daniel e me Dibata si mbelinna i babo kerina dibata-dibata sabap IA kap mpetangkas rahasia-rahasia. Erdandanken si e me ibereken pangkat meganjang man Daniel; iangkat ia jadi penguasa, pemimpin kepala kerina penasehat kerajaan Babilon. Pengangkatan Daniel jadi pemimpin la terlepas bas kesetianna si tetap man Dibata. La ia nggit patuh man dibata-dibata kalak Babilon.

Kiniteken si paguh man Dibata la pernah maba kekecewaan. Kerina proses idalani alu tetap erkemalangen man Dibata. Pengalamen enda pe mabai kita ngidah maka kiniteken ras kesetian e tetaplaih gelem bas geluhna. Dibata make situasi sulit guna nganggkaken kalak si setia kap. E maka tetaplaih erkemalangen man Tuhan.